



# **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Primus. Quod propria operatio, quamdiu mysticus in fine priuationis versatur, sit omnium virium in diuinam voluntatem colliquatio.

**urn:nbn:de:hbz:466:1-9766**

## ARTICVLVS PRIMVS.

*Quod propria operatio quamdiu mysticus in fine priuationis versatur, sit omnium virium in diuinam voluntatem colligatio.*

**D**omine in a voluntate tua præstisti decori meo virtutem. ac si diceret; ô pia anima, licet in amore, hucusque acquisito, tanquam aurora con-surrexeris, & vestimenta tua, spiritus scilicet, & animæ potentias amoroſis, & resignationis actibus; ceu martyrum sanguine conspersas, rubro colore exornaueris; scire tamen debes, quod illa ad Deum dilectio, ac bona ad omnia actio, nondum habeat virtutem in se metipsa manentem, neque radicem, ex qua vt innata virtute, amor ille vitam suscipiat: quoisque ipsa sola, ac nuda voluntas diuina, eiusque de te omni-moda dispositio tam viuaciter tibi pla-ceat, & ad omnia pia exercitia te com-moueat, vitaliterque afficiat; vti prius maximæ spiritus, & animæ consolatio-nes, spiritualesque gustus facere sole-bant, quantumcunque illi magni, & sublimes fuerint. & hinc ait Psalmista: Domine in voluntate tua præstisti decori meo virtutem, ac si diceret: quando eousque in spirituali progressu perueni, vt omnia de manu Domini, eiusque gratissima voluntate toto corde, & pleno animo susciperem, quantumcun-que amara, & naturæ contraria essent, tum decori, amori, & rectæ intentioni

meæ dedisti virtutem, ceu radicem, & dispositionem producendi fructus ve-tæ, & realiter permanentis amicitia-etuæ, quæ ad usum, & actus exercitium mihi innaseretur. sicut granum fru-menti, in se quidem pulchrum est, bo-num, ac utile; verumtamen vt radicem accipiat, & virtutem germinandi, prius moriatur oportet, & alteri conditioni, & vt ita dicam, voluntati subiectiatur, à se deficiat, & propria natura subutiliza-ta, in seipso animam vegetabilem, & vi-tam quandam consequatur. atque ideo tandem b licet non absque graui labo-re, & difficultate totos se resignant, & omnia sufferunt patienter, donec Deo placeat mutare. Vident enim nihil posse se amplius. sic itaque docet eos Deus resignationem sui, subiectionemque; vt videlicet ita se sub Deo relinquant, exstantq; in omnibus. iamque illis prioribus gratia affluentibus sunt similes, & quodammodo longè nobiliores, excel-lentioresqué; cum hic gradus multò sit Christo conformior, cuius, omnis vita passionibus abundauit. Isti martyres spiritales pro ipsorum iudicio omnium paupertimi, sed coram Deo locupletissimi sunt. sunt etiam, vt ipsis videtur, omnium à Deo remotissimi, sed reuerā proximi sunt. sic, & omnium se cre-dunt coram Deo abiectionissimos esse, cum sint electissimi. omnium denique se Deo infidelissimos sentiunt, cum ta-men fidelissimi, ac strenuissimi sint ad illius promouendum honorem, con-temptumque præpediendum, ob quæ,

Y

&amp; pa-

a Psal. 29. b Taul. serm. i. in fest. SS. Mart.

& patiuntur hæc omnia. Varijs quoque tentationibus, ob hanc spiritus pauperitatem, se sentiunt impugnari, quæ licet ipsa quoque morte grauioribus ipsos doloribus excrucient, maximè quando pro ipsorum iudicio non nihil ab his superantur, omnino tamen consensum præbere recusant.]

Et certè in hoc cardo rei versatur, nec quidquam magis principaliter in toto amoris defientis, seu priuationis statu intendit benignissimus Deus, quam ut solus, pure, & integrè sit, qui in exercitio mystico, & vsu consortij diuinæ naturæ, secundum omnes animæ vires spectetur, magisq; eius gratiissima voluntas in omni momentanea actione consideretur, quam sensibilis deuotio. & hoc quidem non ex actibus resignationis tantum, aut humili in Dei beneplacitum subiectione; sed ut totus appetitus, & naturæ inclinatio rationis iudicio libenter, & quietè obedient, in habendo, non habendo in tempore, & æternitate, id quod hoc loco, & fine priuationis, integrè contingit in potentij superioribus, intellectus scil. & voluntatis. sicut in medio siebat, in animæ varijs affectibus, & passionibus; quibus in tantum exagitata fuit, ut quasi callum, & duritiem ad omnem sensualitatem inordinatam contraxerit: & sancto odio sui ipsius tam perfectè imbuta, ut in futuris mysticis vñionibus nil inordinatum, aut ut suum coimmodum possidere velit, & ægrè admodum possit. & quia valde multum, & arduum est, relin-

quere non tantum quod quis haberet, sed etiam quod est; ideo tantæ molis esse solet, antequam amoris depuratio perfectè cursum suum absoluat, & in diuinam voluntatem colliquescat. unde etiam Saluator noster, cum perfectissimè voluntatem suam Patri æterno passionis suæ tempore subiiceret, cum spiritus gustu, & desiderio tam acerbam passionem incœpit, & prolixius in agonia orauit: licet præ naturali horrore sanguineas guttas sudaret. & certè huic exemplari quilibet se debet conformare, qui vult summæ charitatis gradum attingere. sed hæc iam penitus declaraanda erunt, & dicendum

*Quod potentiae superiores essentiali regeneratione, diuinæ prouidentia subiificantur.*

#### ARTICVLVS SECUNDVS.

**S**icut tenebra eius a ita lumen eius: Sac si diceret; opia anima, licet intellectui proprium sit, ut versetur circa lumen veritatis, illudque quam maximè cupiat apprehendere, utpote bonum sibi proportionatum; quo ita consequenter, voluntas bonum cognitum apprehendat, constringat, & oblectando ei inhæreat; nihilominus scire debes, quod modus ille cognoscendi Deum, qui per negationem fit, longè aliter procedat; quandoquidem Deus posuerit tenebras latibulum suum, in quo etiam melius ignoratione queritur, inuenitur & laudatur.

a p. sal. 138.